



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

LXXXVII. Die von Wedel in Pommern und in der Mark verpflichten sich dem Hochmeister von Preußen auf 15 Jahre zum Dienste gegen die Krone Polen mit 4000 Pferden, am 19. Oktober 1388.

---

---

**Nutzungsbedingungen**

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)



vorgenanten Hern Homeister vnd dem Ordin zcu helfin off den Konyng vnd Konyngreich von Polen mit synir zugehoringe vnd off syne Helfer, vsgenomen vnser Erbherren, XV Jar mit hulfe, rate vnd tate vnd by yn zcu blibin dy vorgeante Zeit us, als hy obgeschrebin steet. Vnd wen vns der Herre Homeister vnd der Ordin heyschin bynnen den XV Jaren, so sal man vns vor zcu wissen thun IV wochin, so sulle wir yn volgin vnd helfin off den Konyng vnd off das Konyngreich von Polen mit synir zugehoringe vnd syne helfer, vsgenomen vnser Erbherren, als vorgechrebin steet, wir vnd vnser Erbin mit hundirt wol gewopint Ritters vnd Knechten vnd dorezu mit hundert schuzzin, dy sollin habin Panzir vnd Isehute vnd Hundeskogeln vnd Armbroste vnd CCCC pferde vnd fallin yn dienen do mete eyn Jar, ab is not ist. Dor vor gebit vns der Herre Homeister vnd der Ordin achzen tusint mark Prufchir monze gewonlich Zeal vor vnser Kost vnd vnser schadin, vnd wir fullin yn dienen mit den Hundirt wolgewapnitin Mannen, mit den hundirt Schüzzin vnd mit den CCCC Pferdin off vnser Kost vnd schadin: vnd wer, das vns Got hulfe adir den vnser, das wir singin Grafen, Fryen, Herrin, Ritter, Knechte, Burger adir Gebuer, dy fullin vnser sin. Vnd hulfe vns Got adir den vnser, das wir singen den Konyng, Herczogin, is sy welchirley Herczogin is sy, adir des Konyges Brudir keynen, dy adir den sulle wir antwortin dem Herrin Homeister vnd dem Orden, vnd fullen ir sin vnd nicht vnser. Ouch wenne wir von dem Herrin Homeister vnd von dem Ordin werden bebotit, als das wir yn das Lant czu Prufin komen, so sulle wir vinden des irsten an zcu Slochou fünfftehalb tusint Mark Prufch off das erste Virteil Jares vnd dar hebit sich vnser Solt an. Geschege is ouch, das wir lenger suldin blibin legin den das Virteil Jares yn das ander Virteil Jares, so sal man vns gebin, wen sich XIV tage vorloufin, zwey tusint Mark vnd CCL Mark Prufch, wen aber sich vorloufin sechs Wochin noch den XIV tagen, so sal man vns dy andern zwey tusint vnd CCL Mark gebin, vnd als hir obin ist geschribin, sal man vns haldin dorch das Jar. Ouch so sulle wir vns, noch vnser Erbin zcu keyme Herrin verbindin bynnen den XV Jaren wedir den Herrin Homeister vnd den Ordin, fundir wir fullin vnd wellin yn helfin vnd ratin bynnen vnser Landin, als wol als yn dem Lande zcu Prufin, wenne vns der Herre Homeister adir der Ordin entpytet, doch mit sulchin vorwortin, ab wir gemanet wordin von dem Hern Homeister vnd dem Ordin, das wir yn zcu Hulfe quemen mit den gewopinten Schuzzin vnd pferdin, als vor geschrebin steet, vnd dar wir by yn werin eyn Vierteil Jares mynner adir mehr vnd sich also fugete, das wir heim zcogen vnd das Jar nicht vollin us by yn legin, was an dem Jare denne gebreche, das sulle wir vnd wellin is das andir, das dritte, das virde bynnen den XV Jaren dirfullin, also lange, bys wir eyn Jar vollin usgelegin yn einin Kryge, also als hir obin geschriben steet. Ouch sulle wir vnd wellin den hern Homeister vnd dy synen vordern vnd nicht hindern yn keinerley wies, noch alle dy yene, dy dem Herrin Homeister vnd dem Ordin wellin by legin. Were is ouch, das wir den Konyng vingen adir dy vnser, so sulle wir den Konyng antwortin dem Hern Homeister vnd dem Ordin mit sulch vndirscheit, das sie vns do vor gebin fullin funfhundirt mark Silbers, vnd yo vor iklichen Herczogin hundirt mark silbers, vnd der Herre Homeister vnd der Ordin fullin habin dy willekor, welchin Herczogin sy um das selbe Gelt wellin behaldin adir vns lassin. Wer is ouch, das sich der Herre Homeister vnd der Ordin freden mit der Crone zcu Polen, so fullin sy vns vnd dy vnser mete yn ein frede nemen, doch also, wen der Herre Homeister vnd der Ordin frede wellin machen, das fullin sy macht habin vnd sal wedir vns nicht sin. Were abir, das wir adir dy vnser gefangen hettin, wenn sich der Herre Homeister vnd der Ordin fredin mit der Crone zcu Polen, vnd das der Herre Homeister vnd der Ordin der gefangin von vns vnd den vnser begerende werin, do vor fullin sy vns thun, also zewene Hern von des Ordins wegin vnd zewene Erbar